

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO
ZENIČKO-DOBOJSKOG KANTONA**

Broj: T04 0 KT 0064706 25
Zenica, 19.12.2025. godine

OPĆINSKI SUD U ŽEPČU
-Sudija za prethodno saslušanje-

Na osnovu člana 45. stav 2. tačka i), člana 241. stav 1. ZKP-a F BiH, p o d i ž e m

O P T U Ž N I C U

Protiv:

O. B., ..., višestruko osuđivan za raznovrsna krivična djela u vremenskom periodu od 25.11.2009. godine do 08.05.2025. godine, specijalni povratnik,

što je,

Dana 28.06.2025. godine oko 00,10 sati, u Žepču, u mjestu ..., na benzinskoj pumpi ..., silom spriječio ovlaštene službene osobe - policijske službenike PS Žepče S. M. i T. Z. u vršenju službene radnje, koju su poduzimali u okviru svojih ovlasti, na način da je, u momentu dok je puhao gume na svom vozilu marke „...“, pa kada mu je prišao policijski službenik T. Z. i zatražio mu identifikacioni dokument na uvid radi legitimisanja, osumnjičeni mu je rekao da mu se dokumenti nalaze u vozilu i krenuo je prema vozačevim vratima koja je otvorio, te sjeo u vozilo, da bi tada naglim i brzim pokretnom pokušao zatvoriti ista, istovremeno pokrećući motor vozila, nakon čega je policijski službenik T. Z. spriječio lijevom rukom zatvaranje vrata vozila, da bi tada osumnjičeni naglim proklizavanjem pogonskih kotača pokrenuo vozilo unazad velikom brzinom, te tom prilikom svjesno ostvario fizički kontakt sa tijelom T. Z., pa nakon čega se policijski službenik Z. iz sigurnosnih razloga izmakao, osumnjičeni je nastavio kretati se vozilom unazad sve do betonskih ivičnjaka koji su granica parking prostora BP ..., prilikom čega je patrola policije davala jasne znakove baterijskim lampama da zaustavi kretanje vozila, te glasne i jasne naredbe „Zaustavi vozilo“, na što se isti ogлуšio, te ponovnim naglim proklizavanjem pogonskih kotača pokrenuo vozilo unaprijed, te krenuo u pravcu ka policijskom službeniku M. S., čime je doveo u opasnost istoga, te neposredno prije promijenio pravac kretanja udaljivši se sa lica mjesta magistralnom cestom M17, svjestan da je navedenim radnjama spriječio policijske službenike da obave svoje službene radnje, što je i htio,

dakle, silom spriječio službenu osobu u vršenju službene radnje, koju je poduzela u okviru svojih ovlasti,

Čime je počinio krivično djelo sprječavanje službene osobe u vršenju službene radnje iz člana 358. stav 1. KZ FBiH.